



Cofnodion Grŵp Gweithredu Lleol Gwynedd - LEADER.

13.01.16

Eglwys Santes Fair, Tremadog

Yn bresennol:

Cynrychiolaeth o'r Sector Menter:		
Menna Jones	(MJ)	Cadeirydd LAG, Antur Waunfawr
Gwion Llwyd	(GLI)	Dioni
Llywelyn Rhys	(LIR)	Fflam Ltd
Ceri Cunningham	(CC)	Antur Stiniog
Cynrychiolaeth o'r Sector Gwirfoddol		
David Ingham	(DI)	DIY Industries
Craig ab Iago	(Cabl)	Dyfryn Nantlle 2020
Cynrychiolaeth o'r Sector Cyhoeddus		
Cyng. Mandy-Williams-Davies		Cyngor Gwynedd
Ifer Gwyn		Parc Genedlaethol Eryri
Aled Jones-Griffith		Grŵp Llandrillo Menai
Cynrychiolaeth o Fenter Môn		
Zoe Pritchard	(ZP)	
Dafydd Gruffydd	(DG)	
Aaron Warren	(AW)	
Bethan Fraser-Williams	(BFS)	
Saran Edwards	(SE)	<i>Cofnodion</i>
Cynrychiolaeth o Gyngor Gwynedd		
Dylan Rhys Griffiths	(DRG)	
Sioned Morgan Thomas	(SMT)	
Gwadd Arbenning		
John Davies		Llywodraeth Cymru

Pwynt	Manylion	Gweithred
Cyfarfod Grwp Gweithredu Lleol		
1	<p>Cafodd croeso ei estyn i bawb i'r cyfarfod gan Menna Jones</p> <p>Croesawyd Bethan Fraser-Williams. Bethan yn ymuno a'r tîm Arloesi Gwynedd Wledig tra fod Katie Hughes-Eillis ar gyfnod mamolaeth. Bu i'r grŵp ymestyn dymuniadau da i KHE.</p> <p>Bu i MJ hefyd croesawu John Davies, Rheolwr tîm Cyflawni CLLD (LEADER) o Lywodraeth Cymru, i'r cyfarfod. Llywodraeth Cymru'n awyddus i fynychu cyfarfodydd LAG ar draws Cymru i sicrhau fod canllawiau a phrosesau cywir yn cael ei ddilyn.</p>	
2	<p>Derbyniwyd ymddiheuriadau gan 5 aelod drwy law MJ</p> <p>Arwel Jones, Partneriaeth Llyn Cyng. Mandy Williams-Davies, Cyngor Gwynedd Alun Evans NFU/FUW Owen Gwilym Thomas, Un Llais Cymru Sian Tomos, GISDA</p>	
3	<p>Derbyniwyd datgan o ddiddordeb gan</p> <p>-Menna Jones-Cyd Ynni -Gwion Llwyd-Pwyntiau Ceir Trydan</p>	
4	<p><u>Ceisiadau Llawn</u></p> <p>Bu i ZP diolch yr aelodau am ei hamser gwerthfawr heddiw. ZP i yrru tabl cyllid i'r aelodau.</p> <p><u>Cyllid Torfol</u></p> <p>Cyflwynwyd cais Cyllid Torfol i'r aelodau LAG (crowdfunding). Mae Cyllid Torfol yn dod yn ddull fwy a mwy poblogaidd o godi arian ar gyfer amrywiaeth eang o weithgareddau, o gyhoeddi llyfr, i dalu am briodas neu sefydlu tafarndy cymunedol. Mae nifer o asiantaethau yng Ngwynedd wedi unai wedi defnyddio platfform Cyllid Torfol a chael amrywiaeth o ganlyniadau neu wedi ystyried yr opsiwn. Gyda grantiau yn mynd yn fwy prin ac thoriadau mewn gwasanaethau cyhoeddus, bwriad AGW drwy'r cynllun hwn yw peilota prosiect gyda'r bwriad o gefnogi a dysgu o ymgyrchoedd Cyllid Torfol.</p> <p>Y bwriad yw chwilio am 3 ymgyrch wahanol i'w gefnogi. Ni fyddai'r</p>	ZP

	<p>ymgyrchoedd yn digwydd yr un pryd, yn hytrach yn cefnogi yr ymgyrch gyntaf, dysgu ohono a dim ond wedyn yn chwilot am yr 2il ymgyrch.</p> <p>Mae staff AGW wedi adnabod un ymgyrch cyllid torfol y gellir ei gefnogi yn barod, sef ymgyrch codi arian 2 gymund o grwp Cyd Ynni. Mae Ynni Ogwen a Phadarn Peris ill dau yn gymunedau sydd yn ceisio codi arian i adeiladu system ynni hydro yn eu cymunedau.</p> <p>Bu i'r aelodau holi os oes le i dynnu pobl ifanc yn y proses ffilmio i'w glymu gyda cholegau lleol. Cytunwyd i edrych os oes modd clymu'r gwaith gyda myfyrwyr coleg.</p> <p>Y cynnig – Cefnogi 3 ymgyrch cyllid torfol drwy ddarparu cefnogaeth marchnata a ffilmio er mwyn dysgu o'r ymgyrchoedd hynny.</p> <p>Cytunwyd i gefnogi cynllun Cyllid Torfol am £30,000 (£10,000 ar gyfer y 3 ymgyrch wahanol) i'w clustnodi i'r thema perthnasol. Mi fyddai'r £10,000 cychwynnol ar gyfer ymgyrch Ynni Ogwen a Phadarn Peris yn dod allan o gyllid thema 4 – Ynni adnewyddol ar lefel gymunedol.</p> <p>Cafwyd trafodaeth ychwanegol ymysg y grŵp ac o'r drafodaeth daeth y syniad o greu/sefydlu cronfa arian i Wynedd gyfan ar gyfer elusennau/gweithgaredd a phrosiectau yng Ngwynedd yn unig. Cyfle i dreialu platform newydd sbon o gyllid torfol lle bysa pobl yn gallu cyfrannu tuag at brosiectau yng Ngwynedd yn unig. I'w drafod eto mewn 6 mis.</p> <p><u>Pwyntiau Ceir Trydan</u></p> <p>Cyflwynodd DG y cynllun peilot 'Pwyntiau Ceir Trydan' i'r aelodau. Syniad a gododd o'r is-grŵp ynni fod bylchau pwyntiau ceir trydan yng Ngwynedd, ond yn arbennig yn Meirionnydd.</p> <p>Y Cynnig - I redeg cynllun peilot sydd yn gosod 5 pwynt gwefru ceir trydan mewn lleoliadau amrywiol yn Meirionnydd. Byddai'r lleoliadau yn cael ei ddenu drwy proses 'open call' lle byddai lleoliadau addas yn ymgeisio am y cyfle i fod yn un o 5 lleoliad a ddewisir. Byddai'r lleoliadau dewisiedig yn ymrywmo i gydweithio gyda AGW i hel yr holl data a cofnodi eu profiadau gyda'r pwynt gwefru, er mwyn gallu adrodd nol i unrhyw leoliad arall sydd wedi ystyried gosod pwynt ond heb fod yn sicr o'r budd hyd yma.</p> <p>Bu i'r aelodau awgrymu i swyddogion AGW cysylltu gyda chwmnïoedd ceir mawr i weld os modd cyd-weithio neu derbyn arian cyfatebol. Gofynnwyd i'r LAG gymeradwyo swm o £10,000 tuag at weithredu'r cynllun peilot.</p>	
--	--	--

	<p>Cymeradwywyd y cais am £10,000.</p> <p><u>Gwobrau Busnes ‘Mwyaf Cymraeg yn y byd’</u></p> <p>Cyflwynodd ZP y syniad a neilltuodd o’r is-grŵp Thema 1, sef gwobrau i’r busnes mwyaf Cymraeg yng Ngwynedd. Awgrymwyd y byddai’r gwobrau yn cynnwys 3 categori sef, tafarn/bwyty, Siop a Stryd i gychwyn.</p> <p>Awgrymodd y LAG i ehangu’r cyfnod enwebu/ pleidleisio yn agosach i’r tymor gwyliau fel bod modd tynnu ymwelwyr i fewn i’r broses. Yn ogystal â hynny, cysylltu gyda myfyrwyr i fod rhan o’r broses ffilmio.</p> <p>Y cynnig – Gofynnwyd i’r LAG gymeradwyo’r cysyniad o’r gwobrau, a dirprwyo’r cynllunio manwl sydd angen ei wneud o fewn yr is-grŵp perthnasol. Gofynnwyd i’r LAG gymeradwyo clustnodi £5,000 o arian thema 1 tuag at datblygu’r cynllun, fydd yn cynnwys arbenigedd marchnata, brandio a chreu ffilmiau.</p> <p>Cymeradwywyd i staff AGW ac aelodau’r is grŵp i gydweithio ar ddatblygu’r cynllun, ac i glustnodi £5000 tuag at ei weithredu.</p> <p><u>Prosiect 15</u></p> <p>Cyflwynodd ZP syniad arall o’r is-grŵp Thema 1, sef Prosiect 15. Y bwriad yw rhoi llwyfan i Gymry Cymraeg llwyddiannus i ddweud eu hanes mewn darlith 15 munud, gan edrych ar gyfanswm o 5 siaradwr fel cyfanswm.</p> <p>Y Cynnig – Gofynnwyd i’r LAG gymeradwyo’r cysyniad o Prosiect 15, a dirprwyo’r cynllunio manwl i’r is-grŵp thema 1. Gofynnwyd i’r LAG glustnodi swm o £6,000 tuag at gwireddu’r cynllun, sy’n cynnwys ffioedd Siaradwyr addas, ymgyrch farchnata a ffilmio.</p> <p>LAG yn gefnogol iawn o’r syniad yma. Nododd ZP y byddai staff AGW yn gwerthfawrogi unrhyw awgrymiadau o siaradwyr sydd gan yr aelodau LAG, ac i anfon yr awgrymiadau i BFS, sef y swyddog gyswllt ar gyfer Prosiect 15.</p>	
--	--	--

Is-grwpiau		
5	Fydd Saran mewn cysylltiad yn fuan i drefnu cyfarfodydd is-grŵp dros yr wythnosau nesaf, er mwyn eu cynnal cyn yr cyfarfod LAG llawn nesaf sydd ar yr 24ain o Chwefror, 2016.	
RCDF		
6	<p>Bu i'r aelodau dderbyn rhestr yn dangos yr ymholiadau o Wynedd sydd wedi ei dderbyn gan staff AGW ar gyfer Cronfa Datblygu Cymunedau Gwledig.</p> <p>Dyddiad cau y ffenestr gyntaf yw 31.01.16. Nodwyd y bydd angen trafod yr ceisiadau o Wynedd ymhellach yn ystod ein cyfarfod LAG llawn nesaf yn Chwefror.</p>	
Diweddariad Cyffredinol		
7.1	<p>Cyd Ynni</p> <p>Derbyniodd y grŵp diweddariad Cyd Ynni gan Saran Edwards.</p> <p>Mae'r grŵp wedi derbyn llawer o ymholiadau am ei strwythur, gyda nifer fawr o gymunedau ynni eraill yn dangos diddordeb.</p> <p>Mae'r grŵp wedi cael ei enwebu ar gyfer y wobr Ashden. Sefydlwyd y gwobrau nol yn 2001, gyda gwobrau Ashden yn cael eu cydnabod yn rhyngwladol fel mesur o ragoriaeth o fewn y maes ynni gwyrdd.</p> <p>Mae'r briff bellach wedi cael ei yrru allan i ddarparwyr er mwyn datblygu cynllun busnes i'r grŵp. Fydd y ddogfen yn helpu strwythuro'r grŵp yn ogystal â bod o ddefnydd i grwpiau ynni eraill yng Ngwynedd a thu hwnt.</p> <p>Trefniadau taith i'r Alban yn cael ei drefnu ar hyn o bryd. Os oes unrhyw aelod gyda diddordeb i fynychu'r a'r daith i adael SE wybod.</p>	
7.2	<p>Rhodd Ymwelwyr</p> <p>Bu i DG rhoi diweddariad i'r grŵp o gynllun Rhodd Ymwelwyr.</p> <p>Cynhaliwyd digwyddiad Rhodd Ymwelwyr ar y 11eg o Ionawr yn Llanberis. Bu i'r digwyddiad dderbyn nifer fawr o gyhoeddusrwydd gan y wasg. Dderbyniwyd ymateb positif iawn i'r cynllun, gyda nifer fawr o fusnesau yn datgan diddordeb.</p>	

	Mi fydd Rhian Hughes, Swyddog AGW yn trafod y cynllun peilot ymhellach gyda'r busnesau sydd wedi datgan diddordeb er mwyn datblygu cynllun manwl i'r ymgyrch peilot.	
	Dyddiad cyfarfod nesaf 24ain o Chwefror 2 o'r gloch, Cors y Gedol, Dyffryn Ardudwy. Gofynnodd ZP i aelodau gadarnhau ei bresenoldeb er mwyn sicrhau ein bod ni'n dilyn gofynion cworwm.	